

Na osnovu člana 16. Pravilnika o organizaciji takmičenja učenika osnovnih škola („Službene novine Tuzlanskog kantona“ broj: 1/23), Pedagoški zavod Tuzlanskog kantona donosi

ODLUKU
o obliku i sadržaju diploma i pohvala koje se dodjeljuju na takmičenjima učenika osnovnih škola

I

Ovom odlukom se propisuje oblik i sadržaj diplome koja se dodjeljuje takmičaru za osvojeno prvo, drugo i treće mjesto na školskom i općinskom/gradskom takmičenju, oblik i sadržaj diplome koja se dodjeljuje takmičaru za osvojeno prvo, drugo i treće mjesto na kantonalnom takmičenju, oblik i sadržaj pohvale koja se dodjeljuje nastavniku mentoru za osvojeno prvo, drugo i treće mjesto na školskom i općinskom/gradskom takmičenju i oblik i sadržaj pohvale koja se dodjeljuje nastavniku mentoru za osvojeno prvo, drugo i treće mjesto na kantonalnom takmičenju.

II

Oblik i sadržaj diploma i pohvala iz tačke I ove odluke se propisuje na obrascima koji se nalaze u prilogu ove odluke i čine njen sastavni dio, i to:

- a) oblik i sadržaj diplome koja se dodjeljuje takmičaru za osvojeno prvo, drugo i treće mjesto na školskom i općinskom/gradskom takmičenju – Obrazac broj 1,
- b) oblik i sadržaj diplome koja se dodjeljuje takmičaru za osvojeno prvo, drugo i treće mjesto na kantonalnom takmičenju – Obrazac broj 2,
- c) oblik i sadržaj pohvale koja se dodjeljuje nastavniku mentoru za osvojeno prvo, drugo i treće mjesto na školskom i općinskom/gradskom takmičenju - Obrazac broj 3 i
- d) oblik i sadržaj pohvale koja se dodjeljuje nastavniku mentoru za osvojeno prvo, drugo i treće mjesto na kantonalnom takmičenju – Obrazac broj 4.

III

Diplome i pohvale iz tačke II ove odluke, štampaju se na jednom od jezika u službenoj upotrebi u Bosni i Hercegovini.

IV

Diplomu koja se dodjeljuje takmičaru za osvojeno prvo, drugo i treće mjesto na školskom i općinskom/gradskom takmičenju i pohvalu koja se dodjeljuje nastavniku mentoru za osvojeno prvo, drugo i treće mjesto na školskom i općinskom/gradskom takmičenju, potpisom ovlaštenog lica i pečatom ovjerava suorganizator takmičenja.

V

Diplomu koja se dodjeljuje takmičaru za osvojeno prvo, drugo i treće mjesto na kantonalnom takmičenju, i pohvalu koja se dodjeljuje nastavniku mentoru za osvojeno prvo, drugo i treće mjesto na kantonalnom takmičenju, potpisom ovlaštenog lica i pečatom ovjerava organizator takmičenja.

VI

Evidenciju izdatih diploma i pohvala iz tačke IV ove odluke vodi suorganizator takmičenja, a evidenciju izdatih diploma i pohvala iz tačke V ove odluke vodi organizator takmičenja.

Suorganizator takmičenja je obavezan Pedagoškom zavodu Tuzlanskog kantona dostaviti izvještaj o provedenom takmičenju i izdatim diplomama i pohvalama iz tačke IV ove odluke, u roku od 7 dana nakon održanog takmičenja.

VII

Ova odluka stupa na snagu danom njenog donošenja.

BOSNA I HERCEGOVINA
Federacija Bosne i Hercegovine
TUZLANSKI KANTON
PEDAGOŠKI ZAVOD
Broj: 21/1-34-004386-23
Tuzla: 28.02.2023. godine

DIREKTOR

Nikola Čiča

dr. sci. Nikola Čiča, prof.

